



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCXXXIII. Albrecht, Markgraf zu Brandenburg, vereignet dem St.
Johanniter-Orden zur Comthurei Mirow das Wokuhl, am 9. Mai 1285.

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

seu municionum et generaliter ab omni vexatione et molestia, quibus predicti fratres et eorum homines in predictis bonis a nobis uel a nostris heredibus possent in perpetuum grauari uel aliquo modo impediri. Hec predicta bona cum proprietate et omni libertate et omni iusticia et iudicio et aduocacia et omni illo, quod uulgariter Recht uel Unrecht dicitur, cum omnibus terminis suis hucusque habitis, cum aquis, aquarum decuribus, molendinis, pratis, pasuis, terris cultis et incultis, et omnibus pertinentiis sibi adherentibus de consuetudine, gracia uel de Jure, damus seu donamus antedictis commendatori et fratribus in Myrow ac eorum ordini, perpetuo quiete ac pacifice possidenda. Preterea excludimus, quod in crastino B. Martini annis singulis nobis de domo uillici predictae uille Gnewetitz duo talenta cum dimidio denariorum Brandenburgensium census nomine omni procul dubio persoluentur. Et ne hec nostra donatio a nostris successoribus uel a quibuslibet aliis in perpetuum valeat irritari, presentem paginam damus memoratis Commendatori et fratribus sigilli nostri munimine roboratam. Acta sunt hec in Lychen, anno domini M^o. CC^o. LXXXV^o. III^o, Idus Martii, presentibus domino Ludolpho de Plote, Domino Henrico Soneke, Domino Friderico et Domino Chotemir Dargaz, Domino J. et Domino . . . de Loweberch, Domino Hermannino et Domino Alberno de Redere, Domino witz, Domino Friderico de Osterwalde et Domino Wichmanno Glude temporis aduocato, Domino Johanne fratre ipsius et quam pluribus aliis fide dignis.

Nach dem Original des K. Geh. Kab. Archives 402, 4. Die Urkunde ist zum Theil zerstört, doch ist, wie der vorliegende Abdruck zeigt, mehr davon lesbar, als in den früheren Abdrücken in Gercken's Cod. III., 82 und in den Mehl. Jahrbüchern II., 232. aufgenommen ist. Auch sind diese Abdrücke nicht genau richtig. Statt Gnewetitz ist Gnewetiz und statt Soneke ist Semeke gelesen und Albern von Redern ist ausgelassen.

CCXXXIII. Albrecht, Markgraf zu Brandenburg, verzeiget dem St. Johanniter-Orden zur Comthurei Mirow das Dorf Wokuhl, am 9. Mai 1285.

Albertus, dei gratia marchio Brandenburgensis, uniuersis crisi fidelibus presentem paginam iuspecturis Salutem in domino sempiternam. Ad omnem boni operis consummacionem adeo nobis expedit intendere uigilanter, ut cum districtus iudex in die nouissimo cunctorum examinare uenerit acciones, non formidanda sint nobis gehenne supplicia pro delictis, Set quomodo eterne beatitudinis premia possimus pro bonis operibus adipisci. Hinc est quod notum esse uolumus tam presentibus quam futuris, quod proprietatem uille Wukun et molendini adiacentis, quorum possessio fuerat olim dilectorum nobis friderici et Chotemari militum nostrorum et fratruum ipsorum, dictorum dargaz, Damus liberaliter seu donamus Commendatori et fratribus sancte domus hospitalis Jerosolymitani beati Johannis Baptiste et eorum ordini pro remedio anime nostre et progenitorum nostrorum libere possidendam. Excipimus seu eximimus predicta ab omni exactione seu petitione, angaria, perangaria, construccionem urbium, poncium seu municionum et generaliter ab omni vexatione et molestia, quibus predicti fratres et eorum homines in predictis bonis a nobis uel a nostris heredibus possent

in perpetuum grauari vel aliquo modo impediri. Hec predicta bona cum proprietate et omni libertate et omni iusticia et aduocacia et omni illo, quod vulgariter Recht uel vnrecht dicitur, cum omnibus terminis suis hucusque habitis, cum aquis, aquarum decursibus, Molendinis, pratis, pascuis, lignis, terris cultis et incultis et omnibus pertinentiis sibi adherentibus de consuetudine, gracia uel de iure, damus seu donamus ante dictis commendatori et fratribus in Myrowe et eorum ordini, perpetuo, quiete ac pacifice possidenda. Set hoc solum excipimus, quod villicus predictae uille wukun duo talenta cum dimidio, et nichil amplius, in crastino beati martini nobis soluet census nomine annuatim. Et ne hec donatio nostra a nostris successoribus uel a quibuscumque in perpetuum aliis valeat irritari, presentem paginam damus memoratis commendatori et fratribus, sigilli nostri munimine roboratam. Hec acta sunt in Saltwedele, anno domini millesimo CC°. LXXXV°, VII°. Idus Maii, presentibus domino Czabello de Redingstorph, Domino friderico et domino Chotemir dargaz fratribus, Domino hermanno de Redere, Domino Henrico de Lankow, Domino petro de wuthenow, Domino Johanne Romlo, Domino Henrico soneke, Domino Henrico missenero ac aliis fide dignis.

Nach dem Originale des K. Geh. Kab. Archives, Johanniter-Ordens-Archiv Kiste IX., Nr. 13.

CCXXXIV. Markgraf Konrad von Brandenburg genehmigt für sich und seine Brüder, daß der Probst und das Kapitel zu Stendal das Dorf und die Kirche zu Berge bei Rodensleben im Magdeburgischen dem Deutschen Orden abgetreten haben, am 18. Juni 1255.

Conradus, dei gracia Marchio Brandenburgensis, Vniuersis, ad quos presentes Littere peruenerint, Salutem in domino, Cum inter viros Religiosos Commendatorem et fratres ordinis sancte Marie Theutonicorum, in villa Berge iuxta Rodensfleue commorantes, ex vna parte, et viros honorabiles, prepositum, Decanum et Capitulum Ecclesie Stendaliensis ex altera, super eadem villa et Ecclesia eiusdem et ceteris bonis, pertinentibus ad eandem villam et eorum proprietate interuenit compositio dudum talis, quod prepositus, Decanus et Capitulum supradicti renunciauerunt omni iuri, quod in predictis bonis competerat eisdem, et si aliquod obtinebant in hiis, id totaliter in predictum ordinem transferebant; Nos ad honorum instanciam compositionem huiusmodi, vna cum fratribus nostris et heredibus nostris, ratam habentes, Renunciamus pro nobis et nostris heredibus omni iuri, quod in predictis Bonis et eorum proprietate nobis aut eis videtur ex eo competere, quod dicte prepositure ad nos et fratres nostros et nostros heredes spectat collatio, vel ex causa successionis hereditarie seu ex modis aliis quibuscumque, Promittentes nos Curaturos et effecturos, quod fratres (sic) nostri et heredes nostri supradictis non contrauenient in futurum, Testes, qui fuerunt presentes in hoc, quod huiusmodi a nobis littere deberent dari, sunt honorabilis vir Magister Richardus Scolasticus Magdeburgensis, Adam prepositus stendaliensis, Aluericus subprior et frater Burchardus lector, ordinis predicatorum, Conra-